

ҚАЗАҚСТАН РЕСПУБЛИКАСЫ
ҒЫЛЫМ ЖӘНЕ ЖОҒАРЫ БІЛІМ МИНИСТРАЛІГІ

СТУДЕНТТЕРГЕ ЖОЛ КӨРСЕТКІШ




SOUTH KAZAKHSTAN STATE
PEDAGOGICAL UNIVERSITY





ДАЙЫНСЫҢ БА?

АЛ ОНДА КЕТТИК!



$$\begin{array}{r} 43 \\ - 32 \\ \hline 11 \end{array}$$



МАЗМҰНЫ

4	Шежірелі шаңырақ
6	Оқу ғимараттары және студенттер үйі
7	Білім алушының құқықтары мен міндеттері
8	ID карта алу.
9	Жатақханаға орналасу процедурасы
10	Академиялық адалдық қағидаттары
11	2022-2023 оқу жылына арналған академиялық күнтізбе
12	Оқытудың кредиттік технологиясы
13	Оқу пәндеріне тіркелу және ЖОЖ құру
13	Студенттің оқу сабақтарына қатысуы
14	Білім алушылардың оқу жетістіктерін бақылау
16	Білім алушыларды оқудан шығару
16	Қашықтықтан білім беру технологиясы бойынша оқу
17	GRA және оны есептеу әдісі
18	Оқыту порталы
19	Тіркеу офисі
19	«Үміт» білім алушыларға қызмет көрсету орталығы
19	«Физика-математика» факультеті
20	«Жаратылыстану» факультеті
21	«Тарих және педагогика» факультеті
22	«Филология» факультеті
23	«Дене шынықтыру және спорт» факультеті
24	«Өнер және білім» факультеті
25	Кітапхана және электрондық каталогтар
25	Қоғамдық кәсіптер орталығы: үйірмелер
26	Әскери кафедра
26	Спортклуб
27	Денсаулық
27	Тамақтану
28	Студенттік өмір
29	Маңызды байланыс желілері



Қымбатты жас дос!

Сізді Оңтүстік Қазақстан мемлекеттік педагогикалық университетінің студенттері қатарына қосылуыңызбен шын жүректен құттықтаймын!

Ұстаздар ұстаханасы атанған шежірелі қара шаңырақ – Оңтүстік Қазақстан мемлекеттік педагогикалық университетіне қош келдіңіз!

Сіз өте дұрыс таңдау жасадыңыз! Еліміздегі педагогикалық оқу орындары арасында үздік бестікке кіретін білім, ғылым мен тәрбиенің киелі ордасынан талай білімпаз, ғұлама, айтулы ақын-жазушы, ұлағатты ұстаз, қоғам қайраткерлері қанаттанып, түлеп ұшқан. Оқу орнымыздың ғана емес, еліміздің мақтанышына айналған танымал тұлғаларымыздың өнегелі жолын жалғастырып үздік студент болуыңызды қалаймыз.

Сіздерге табысты, тәжірибелі педагогтар, ғылым докторлары, профессор, академиктер дәріс береді. Отандық, шетелдік озық ғалымдардың, ғылыми бағыттардың жетістіктерімен, жаңа білім беру мазмұны мен әдістерімен таныс бола отырып, кәсіби маман болуға қажетті білім-дағдыларды игересіздер. Студенттік өмір тек сабақ оқумен, ғылыммен айналысумен шектелмейді. Оқу орнындағы Жастар саясаты бөлімі, Студенттік ректорат құрамындағы ұйымдар студенттік шақты мазмұнды, қызықты етіп өткізуге қол ұшын созуға дайын. Қоғамдық кәсіптер орталығындағы үйірмелердің біріне қатыссаңыз, мектеп мұғаліміне қажетті қосымша кәсіп үйренесіз.

Президентіміз Қасым-Жомарт Тоқаев атап көрсеткендей, «Абай айтқан бес асыл іске берік – талапшыл, еңбекшіл, ойшыл, қанағатшыл, рақымшыл болсаңыз, болашағыңыз жарқын, жұлдызыңыз жоғары болмақ!»

Тәуелсіз еліміздің білгір, саналы азаматы, кәсіпқой маманы болуға ұмтылыңыз! Ол үшін біз өз тарапымыздан барлық жағдай мен жан-жақты мүмкіндікті жасаймыз.

Тұғыры биік, еңселі еліміздің білімді, білікті, ізгілікті ұстазы, мемлекеттік, ұлттық ұстанымға адал, отаншыл азаматы болуыңызға тілектеспін!

**Ізгі ниетпен, Оңтүстік Қазақстан
мемлекеттік педагогикалық университетінің
Басқарма төрағасы - Ректор
Сүгірбаева Гүлжан Дәулетбекқызы**

ШЕЖІРЕЛІ ШАҢЫРАҚ

Сізді Қазақстанның ең байырғы оқу ордасы негізінде құрылған еңселі білім шаңырағында көргенімізге қуаныштымыз!

1937 жылы оңтүстікте бірінші ашылған екі жылдық мұғалімдер институты 1954 жылы Шымкент педагогикалық институты болып қайта құрылды. Педагогикалық институт оңтүстік өңіріндегі ең алғашқы жоғары оқу орны болды. Осы уақыт аралығында еліміздің сол кезеңдегі маңдайалды алғашқы зиялылары, ғалым ұстаздары еңбек еткен қасиетті де киелі қара шаңырақ тек облыс көлемінде ғана емес, республикамыздың басқа да аймақтары үшін мыңдаған білікті маман педагогтарды даярлап шығарды. Біз белгілі ақын-жазушылар, қоғам және мемлекет қайраткерлері М.Шаханов, Ә.Дербісәлі, Х.Есенқарақызы, Н.Бегалыұлы, И.Сапарбай, Е.Бопова, К.Алипова, С.Барақова сияқты тұлғаларымызбен мақтанамыз.

1993 жылы Шымкент педагогикалық институты ҚР үкіметінің қаулысымен Түркістан қаласында жаңадан ашылған Қ.А.Ясауи атындағы Халықаралық қазақ-түрік университетінің құрамына кірді.

ҚР Үкіметінің 2011 жылғы 28 маусымдағы №722 қаулысымен Оңтүстік Қазақстан мемлекеттік педагогикалық институты болып қайта ашылды. 2017 жылдың 17 қарашасында ҚР Үкіметінің №753 Қаулысымен Оңтүстік Қазақстан мемлекеттік педагогикалық институтына университет мәртебесі берілді.

2018 жылдың 16 қазанында Үкіметтің №649 Қаулысымен «Оңтүстік Қазақстан мемлекеттік педагогикалық университеті» коммерциялық емес акционерлік қоғамы болды. 2019 жылдың 12 сәуірінде Шымкент қаласы Әл-Фараби ауданының Әділет басқармасында заңды түрде мемлекеттік тіркеуден өтті.

Жаңадан қайта түлеп, жаңашылдық пен рухани жанашырлықтың жаршысына айналған Оңтүстік Қазақстан мемлекеттік педагогикалық университеті аймақтағы алдыңғы қатарлы ғылым мен білім, тәрбие ордасы саналады. Қазіргі таңда университетте бакалавриат бойынша 34 білім беру бағдарламасы, магистратурада 21 білім беру бағдарламасы және докторантурада 12 білім беру бағдарламасы бойынша бәсекеге қабілетті болашақ мамандар даярлануда.

Университеттің миссиясы –білім саласындағы озық тәжірибелер негізінде адами капитал сапасын арттыру.


Сонымен қатар Оңтүстік Қазақстан мемлекеттік педагогикалық университеті стратегиялық жоспарлау міндеттерін жүзеге асыру нәтижесінде Қазақстанның жоғары білім беру жүйесін дамытудың әдістемелік орталығы мен көшбасшысының бірі ретінде әлемдік деңгей талаптарына сай заманауи ЖОО-ға, жаңа форматтағы білім беру және ғылым хабына айналуды көздейді.

Қазіргі таңда университет беделін көтеру, үш тілді білім беруді жетілдіру, мамандар сапасын жоғары деңгейге жеткізу бағытында жүйелі жұмыстар жүргізілуде. Ол үшін, ең

алдымен, студенттердің жан-жақты, шығармашылықпен білім алуына бар жағдайды жасаймыз. Білім, ғылым салаларына және білікті, бәсекеге қабілетті маман даярлау ісіне ҚР Президенті Қ.К.Тоқаев тарапынан ерекше көңіл бөлініп, үздіксіз қолдау көрсетілуде.



ОҚУ ҒИМАРАТТАРЫ МЕН СТУДЕНТТЕР ҮЙІ



СЕНІҢ ОҚУ ҒИМАРАТЫҢ!



ОҚУ ҒИМАРАТТАРЫ ЖӘНЕ СТУДЕНТТЕР ҮЙІ

1. "ШАҢЫРАҚ" Бас оқу ғимараты
(А.Байтұрсынов көшесі, 13)

2. "ҚАЗЫНА" Б оқу ғимараты
(Ғ.Иляев көшесі, 16)

3. "ТҰМАР" С оқу ғимараты
(А.Байтұрсынов көшесі, 63)

4. №1 Студенттер жатақханасы - 500 орындық
(А.Байтұрсынов көшесі, 13)

5. №2 Студенттер үйі - 500 орындық
(Қ. Рысқұлбеков көшесі, 8)

6. №4 Студенттер жатақханасы - 350 орындық
(Отырар м/а, 140)

7. №5 Студенттер жатақханасы - 241 орындық
(Нұрсәт м/а, 131 Б)

8. Кіші спорт алаңы
(А.Байтұрсынов көшесі, 63)

9. 30 гектар "Көлкент"
іс-тәжірибе алаңы



СТУДЕНТТИҢ ҚҰҚЫҚТАРЫ МЕН МІНДЕТТЕРІ



ҚҰҚЫҚТАРЫ

- Білім алуда жоғары және жоғары оқу орнынан кейінгі білім берудің жалпыға міндетті стандартын басшылыққа алу;
- Академиялық және академиялық емес қызметтің кез келген оқу және оқудан тыс бөлімшелерінен, университет әкімшілігі тұлғаларынан ақпарат сұрату және алу;
- Оқу жоспарына сәйкес, қосымша білім беру қызметтерін өзінің қабілеті мен қажетіне сай балама курстарды таңдау;
- Барлық оқылатын пәндер бойынша силлабустар және пәндердің оқу-әдістемелік кешенін, ақпараттық ресурсты кітапхана мен техникалық орталықтардың қызметін тегін пайдалану;
- Оқылатын пәннің сапасы мен деңгейін бағалай отырып, профессор-оқытушылар құрамының сауалнамасына қатысу;
- Бір оқу орнынан басқа оқу орнына, бір білім беру бағдарламасынан екіншісіне ауысу;
- Университеттің спорттық және мәдени өміріне жоспардан тыс қатысу.



МІНДЕТТЕРІ

- Белгіленген мерзімде оқу жоспарына сай студенттердің өзіндік жұмыс тапсырмаларын орындау;
- Күнделікті сабақтарға қатысу;
- Сабаққа кешікпеу;
- Академиялық адалдық қағидаттарын сақтау;
- Университет мәртебесіне қамқорлық ретінде мәдени және кәсіптік деңгейін жоғарылату;
- Университет қызметкерлерінің, оқытушыларының адами қадір-қасиетін және білім алушылардың пікірін құрметтеу;
- Университет мүлкін қорғауға, ішкі тәртіп пен жатақхана ережесін сақтау.

ID КАРТА АЛУ КОРПОРАТИВТІК ПОШТА



Талапкер күндізгі оқу нысанының бірінші курсына қабылданғаннан кейін факультет деканатында студенттерге ID карта беріледі. ID карта студенттік билет, кітапханадан оқулық алу үшін оқырман билеті және университет аумағына кіруге рұқсат беретін бірден-бір құжат ретінде де қолданылады.




**ID-КАРТАНЫ БАСҚА ТҰЛҒАҒА БЕРУГЕ НЕМЕСЕ
БАСҚА БІРЕУДІҢ ID-КАРТАСЫН ҚОЛДАНУҒА ЖӘНЕ
ОНЫҢ БАЛАМА ТҮРІН ЖАСАУҒА ҚАТАҢ ТЫЙЫМ САЛЫНАДЫ.**

Оңтүстік Қазақстан мемлекеттік педагогикалық университетінің барлық студенттеріне корпоративті электронды пошта ашылады және оны өз деканатыңыздан аласыздар.

Корпоративті электронды пошта университеттің доменінде құрылған және бұл поштаны қолдану университеттің жұмысын тиімді жүргізуге мүмкіндік береді. Ең алдымен, бұл – поштаға сенім артатын және пошта қауіпсіздігін арттыратын мүмкіндік. Университет осы пошта қолданушыларының іс-әрекеттерін бақылау мақсатында көре алады және қолданушыларға керек жағдайда (пароль ауыстыру) дер кезінде көмек көрсете алады.

*Корпоративті электронды пошта форматы:
famiIyanuz.atynuz@okmpu.kz*

ЖАТАҚХАНАҒА ОРНАЛАСУ ПРОЦЕДУРАСЫ



Жатақханаға орналасу үшін студент алдымен Univer жүйесіне кіріп, «Е қызмет» түріндегі «Жатақханаға өтінім» белгісін басып, онлайн түрдегі өтінім беруі тиіс.

Сонымен қатар арнайы комиссия ұсынылатын төмендегі құжаттарды сканерлеп, тіркеуі керек:

- 1) университет ректорының атына өтініш;
- 2) мүгедектігі туралы анықтама (бар болған жағдайда);
- 3) жетім/жартылай жетім екендігін растайтын құжаттың көшірмесі;
- 4) көп балалы отбасынан шыққандығын растайтын құжат;
- 5) халыққа қызмет көрсету орталығынан алынған тұрғылықты мекенжайы туралы анықтама;
- 6) университеттің медициналық қызметінің медициналық тексеру өткізгендігі туралы анықтама;
- 7) GPA балы 3,0-ден кем емес студенттер үшін тіркеу офисі берген анықтама, факультет деканы бекіткен мінездеме (№1 Студенттер үйіне орналасу үшін);
- 8) жеке куәлік көшірмесі – 2 дана;
- 9) 3*4 фотосурет – 2 дана;
- 10) жатақханада тұру үшін төленген төлемақы түбіртегі.

АКАДЕМИЯЛЫҚ АДАЛДЫҚ ҚАҒИДАТТАРЫ

Білім беру процесінде өзінің оқуына жауапкершілігін және жеке адалдығын дамыту білім алушылардың академиялық адалдығының негізгі қағидаттары болып табылады:

- адал ниеттілік – білім алушылардың бағаланатын және бағаланбайтын жұмыстарды әділ, тыңғылықты орындауы;

- авторлық құқықты қорғауды іске асыру – бағаланатын жұмыстарда дерек көздерін көрсетуі, басқаның ойын, сөзін бұрмаламай беруі, авторлық құқықтың нысаны болып табылады;

- ашықтық – өзара сенімділік, студенттер мен педагог қызметкерлер және олармен теңестірілген тұлғалардың арасындағы идеялар мен ақпарат алмасудың ашықтығы;

- білім алушылардың бостандығы мен құқықтарын құрметтеу – білім алушылардың пікірімен идеяларын еркін білдіру құқығы;

- академиялық мәдениетті қалыптастыруға ықпал ететін тұлға ретінде оқытушыға құрмет көрсету;

- академиялық адалдықты ілгерілету және қорғау үшін білім беру процесінің қатысушыларын көтермелеу және ынталандыру;

- Қазақстан Республикасының заңнамасына сәйкес Академиялық адалдық қағидаттарын бұзғаны үшін шаралар қабылдау.



2020-2021

ОҚУ ЖЫЛЫНА АРНАЛҒАН АКАДЕМИЯЛЫҚ КҮНТІЗБЕ



2022-2023 ОҚУ ЖЫЛЫНА АРНАЛҒАН АКАДЕМИЯЛЫҚ КҮНТІЗБЕ

ПӘНГЕ ТІРКЕЛУ

29.08-2.09.2022

Күзгі семестрдің пәндері бойынша
теориялық курсының басталуы

5 қыркүйек

1-ағымдық бақылауды қорытындылау аптасы

03.10-07.10.2022

2- ағымдық бақылауды қорытындылау аптасы

07.11-11.11.2022

3-ағымдық бақылауды қорытындылау аптасы

12.12-16.12.2022

Күзгі семестрдегі теориялық
курстың аяқталуы

16 желтоқсан

Күзгі семестрдегі емтихан сессиясы
(4 апта)

19 желтоқсан - 13 қаңтар

Қысқы демалыс (14 күн)

16 қаңтар 2023 ж. –
27 қаңтар 2023 ж.



2022 – 2023 ОҚУ ЖЫЛЫНЫҢ КӨКТЕМГІ СЕМЕСТРІ

Оқу практикасы

30.01-10.02.2023

Көктемгі семестрдің пәндері бойынша
теориялық курстың басталуы

13 ақпан

1-ағымдық бақылауды қорытындылау аптасы

13.03-17.03.2023

2- ағымдық бақылауды қорытындылау аптасы

17.04-21.04.2023

3-ағымдық бақылауды қорытындылау аптасы

22.05-26.05.2023

Пәнге тіркелу

17.04-28.04.2023

Көктемгі семестрдегі теориялық
курстың аяқталуы

26 мамыр

Көктемгі семестрдегі емтихан сессиясы

29 мамыр –16 маусым

Жазғы семестрге тіркелу

12.06-16.06.2023

Жазғы семестр

19.06-28.07.2023

ОҚЫТУДЫҢ КРЕДИТТІК ТЕХНОЛОГИЯСЫ

Университетте оқу процесі оқытудың кредиттік технологиясы (ОКТ) бойынша жүзеге асырылады.

Оқыту пәндерді таңдау негізінде кредитті (пәндердің бірлік өлшемі) пайдаланумен орындалады. Бір семестр барысында оқытылатын әр пәнге берілетін кредиттің жалпы көлемі 5-8 кредитті құрайды, ерекше жағдайларда 3-5 кредит көлеміндегі пәндер енгізілуі мүмкін.

Бір академиялық кредит 30 академиялық сағатқа тең. Оның аудиториялық жұмыс көлемі әр пән көлемінің кемінде 30%-ын құрайды. Оқу жұмысының барлық түрлері бойынша бір академиялық сағат 50 минутқа тең.

Білім алушылардың өзіндік жұмысына үлкен маңыз беріледі: БӨЖ – білім алушының өзіндік жұмысы; БОӨЖ – білім алушының оқытушы жетекшілігімен өзіндік жұмысы.

Әр білім алушыға семестрдің алғашқы аптасында сол семестрде оқылатын оқу жұмыс жоспарының әр пәні бойынша силлабус және оқу-әдістемелік кешен (электронды түрде «Univer» жүйесінде) беріледі. БӨЖ тапсырмалары және оны тапсыру мерзімі силлабуста көрсетілген. Оқытушылар сізден тапсырмаларды оқып және орындауын талап етеді.

Бір оқу жылы шеңберінде оқу процесін ұйымдастыру академиялық күнтізбе негізінде жүзеге асырылады. Академиялық күнтізбеде оқу жылы ішіндегі оқу сабақтары, аралық және қорытынды аттестаттауды, кәсіптік практикаларды және оқу жұмысының басқа түрлерін өткізудің кезеңдері, демалыс күндері (демалыстар мен мерекелер) көрініс табады. Академиялық күнтізбе «Univer» жүйесі мен ОҚМПУ сайтына орналастырылады.

ОҚУ ПӘНДЕРІНЕ ТІРКЕЛУІ ЖӘНЕ ЖОЖ ҚҰРУ

Студент академиялық тәлімгері-эдвайзердің көмегімен пәндерге тіркеліп оқу жылына арналған оқытудың жеке оқу жоспарын (ЖОЖ) қалыптастырады. Тіркеуді жүргізу уақыты академиялық күнтізбеде көрсетіледі. Пәнді оқуға білім алушыларды тіркеуді Тіркеу офисі ұйымдастырады. Сонымен қатар, әдістемелік-ұйымдастыру және консультациялық жұмыстарды өткізу үшін арнайы кесте бойынша эдвайзер-тәлімгерлер презентациялар өткізеді.

Білім алушы тиісті деңгейдегі білім беру бағдарламасын меңгеру үшін әдетте оқу жылында белгіленген 60 кредиттен кем түспейтін санына жазылады. Бұл ретте, білім алушы бір семестр ішінде 30 академиялық кредитті меңгереді. Білім алушының бір семестр ішінде академиялық кредиттердің аз немесе көп мөлшерін меңгеруіне де рұқсат беріледі.

Бакалавриат бағдарламалары бойынша оқудың аяқталуының негізгі өлшемшарты студенттің барлық оқу кезеңінде оқу әрекетінің барлық түрлерін қоса алғанда кемінде 240 кредитті меңгеруі болып табылады.

ОҚМПУ-ға жаңадан түскен білім алушылардың тіркелуі бірінші семестрдің басталуына дейін бағыт беру аптасының ішінде жүргізіледі.

ЖОЖ-ды үш данада факультет деканы бекітеді: бірі деканатта сақталады, бір данасы студентте, бір данасы Тіркеу офисінде болады.

СТУДЕНТТІҢ ОҚУ САБАҚТАРЫНА ҚАТЫСУЫ

Оңтүстік Қазақстан мемлекеттік педагогикалық университеті студенттері бекітілген кестеге сәйкес барлық оқу түрлерінің сабақтарына қатысуға міндетті. Сабақтан себепсіз қалуға болмайды.

Сабақтан студент келесі дәлелді себептері болған кезде босатылады:

- 1) ауырып қалған жағдайда;
- 2) шетелдік іссапарда болған мерзімде; спорттық жарыстарға барғанда (дәлелді құжаттарды деканатқа өткізу қажет);
- 3) жақын туыстарының қайтыс болуына байланысты (қайтыс болғандығы туралы анықтаманы деканатқа өткізу қажет);
- 4) университет басшылығының келісімімен республикалық, облыстық, университет деңгейдегі басқа іс-шаралар (өкім), сондай-ақ құжатталған форс-мажор жағдайларда.

Бір академиялық кезең (семестр) ішінде дәлелді себептерсіз үзіліссіз 72 және одан да көп сағат сабақты жіберіп алған студенттер университеттің академиялық саясатын бұзғаны үшін университеттен шығарылады.

БІЛІМ АЛУШЫЛАРДЫҢ ОҚУ ЖЕТІСТІКТЕРІН БАҚЫЛАУ

Білім алушылардың оқу жетістіктерін тексеру үшін университетте олардың білімін бақылаудың келесі түрлері қарастырылған:

- ағымдық бақылау;
- аралық бақылау (емтихан).

Ағымдық бақылау дегеніміз академиялық кезең ішінде оқытушының аудиторияда және аудиториядан тыс жұмыстарда жүргізген оқу жоспарына сәйкес студенттердің білімін жүйелі түрде тексеру.

Ағымдық бақылау тапсырмаларын орындауға арналған балл пәннің силлабусында апта сайын орындалған тапсырмалардың саны мен қиындық дәрежесіне сәйкес бөлінеді.

Ағымдық бақылаудың бағалары *Univer* жүйесіне қатысу журналында пәннің силлабусына сәйкес тиісті оқу аптасында қойылады.

Білім алушылардың үлгерімін ағымдық бақылау бір семестрде 5 апталық аралыққа бөлінген 3 рет қорытындыланады. Әрбір ағымдық бақылау аралығында профессор-оқытушы құрамы білім алушыларды практикалық, лаборатория, семинар, БӨЖ және т.б. сабақтарында бағалайды, жиынтық балл әр бақылау аптасында *Univer* жүйесінде автоматты түрде шығады.

Білім алушы белгілі бір себептермен (денсаулығына, отбасы жағдайына, қызметтік себептерге байланысты дәлелді құжаттары болған кезде) силлабуста көрсетілген бағалау аптасында болмағандығына байланысты ағымдық бақылау тапсырмаған жағдайда факультет деканы жеке кесте бойынша тапсыруға рұқсат бере алады.

Аралық бақылау (емтихан) – пәнді оқыту мерзімі аяқталғаннан кейін академиялық күнтізбеге сәйкес емтихан сессиясы кезінде жүзеге асырылады.

Емтихан кестесі емтихан басталмай тұрып екі апта бұрын деканатта дайындалып, «Универ» жүйесіне қойылады.

Сессияға оқу ақысын толық төлеген, сабаққа 70% -дан жоғары қатысқан, ағымдық бақылаулардан өту балын (өту балы $0,2*(АБ1+АБ2+АБ3) \geq 30$ балл) жинаған академиялық демалыста немесе ұзақ мерзімді емделуде жоқ студенттер жіберіледі.

Емтихандар ауызша, жазбаша, тест, аралас және т.б. түрде өткізіледі.

Емтихан басталғанға дейін білім алушы емтихан тәртібі ережелерімен танысуға және осы ережелерді сақтауға жеке жауапкершілікпен көтеруге міндетті.

Емтиханға келмеген жағдайда білім алушыға пән бойынша «F» (Fail) деген баға қойылады.

Емтиханға себепті жағдайларда (денсаулығына, отбасы жағдайына, қызметтік себептерге байланысты) келмеген білім алушыға растайтын құжаттары болған кезде факультет деканы (Жоғары оқу орнынан кейінгі білім бөлімі басшысы) өкіммен емтиханды жеке кесте бойынша тапсыруға рұқсат береді.

Қорытынды бақылаудың оң бағасын емтихан сессиясының осы кезеңінде көтеру мақсатында қайта тапсыруға рұқсат етілмейді.

"FX" "қанағаттанарлықсыз" бағасын алғанда оқу пәнінің бағдарламасын қайталап өтпей-ақ университеттің академиялық күнтізбесіне сәйкес қорытынды бақылауды бір реттен артық емес қайта тапсыруға рұқсат беріледі.

"F" белгісіне сәйкес келетін "қанағаттанарлықсыз" бағасын алғанда білім алушы осы оқу

пәніне қайта жазылады, оқу сабақтарының барлық түрлеріне қатысады, бағдарламаға сәйкес оқу жұмысының барлық түрлерін орындайды және қорытынды бақылауды тапсырады.

Білім алушының қорытынды бағасының 60%-ы ағымдық бақылаулардан (практикалық, лаборатория, семинар, БӨЖ және т.б. сабақтарынан), қалған 40%-ы емтиханнан жиналады.

Аралық аттестаттаудың қорытындысы төменде көрсетілген формуламен есептелінеді:

$$\text{Ағымдық баға 1 (АБ1)} \leq 100;$$

$$\text{Ағымдық баға 2 (АБ2)} \leq 100;$$

$$\text{Ағымдық баға 3 (АБ3)} \leq 100$$

$$\text{Емтихан (Е)} \leq 100$$

$$\text{Қорытынды бағалау (ҚБ)} = 0,2 * (\text{АБ1} + \text{АБ2} + \text{АБ3}) + 0,4 * \text{Е}$$

Білім алушылардың оқу жетістіктерін бағалаудың дәстүрлі бағалар шкаласы және ECTS аударылған балдық-рейтингтік әріптік жүйесі

Әріптік жүйе бойынша бағалар	Балдардың сандық эквиваленті	Балдар (%-тік құрамы)	Дәстүрлі жүйе бойынша бағалар
A	4,0	95-100	Өте жақсы
A-	3,67	90-94	
B+	3,33	85-89	Жақсы
B	3,0	80-84	
B-	2,67	75-79	
C+	2,33	70-74	
C	2,0	65-69	Қанағаттанарлық
C-	1,67	60-64	
D	1,33	55-59	
D-	1,0	50-54	
FX	0,5	25-49	Қанағаттанарлықсыз
F	0	0-24	

БІЛІМ АЛУШЫЛАРДЫ ОҚУДАН ШЫҒАРУ

Білім алушылар университеттен келесі жағдайларда оқудан шығарылады:

- 1) академиялық үлгермеушілігі;
- 2) академиялық адалдық қағидаттарын бұзғаны үшін;
- 3) Ішкі тәртіп қағидалары мен ЖОО жарғысын бұзғаны үшін;
- 4) білім беру қызметтерін көрсету туралы шарттың талаптарын бұзғаны үшін, оның ішінде ақылы негіздегі оқу құнын төлемеген жағдайда;
- 5) өз еркімен;
- 6) курстан-курсқа қалдырылған білім алушылар қайта оқуға тіркелмеген жағдайда.

Университеттен оқудан шығарылған білім алушыға белгіленген үлгідегі академиялық анықтама (транскрипт) беріледі.

СТУДЕНТТЕРДІ ОҚУДАН ШЫҒАРУ

Студенттеркелесі жағдайларда университеттен оқудан шығарылады:

- 1) академиялық үлгермеушілігі;
- 2) академиялық адалдық қағидаттарын бұзғаны үшін;
- 3) Ішкі тәртіп қағидалары мен ЖОО жарғысын бұзғаны үшін;
- 4) білім беру қызметтерін көрсету туралы шарттың талаптарын бұзғаны үшін, оның ішінде ақылы негіздегі оқу құнын төлемеген жағдайда;
- 5) өз еркімен;
- 6) курстан-курсқа қалдырылған студенттер тіркелмеген жағдайда.

Жоғары оқу орнынан шығарылған студентке белгіленген үлгідегі академиялық анықтама (транскрипт) беріледі.

ҚАШЫҚТЫҚТАН БІЛІМ БЕРУ ТЕХНОЛОГИЯСЫ БОЙЫНША ОҚУ

1. Оқу процесін жаппай қашықтықтан білім беру технологиясына (ҚБТ) оқытуға ауыстыру тиісті мемлекеттік органдар шектеу іс-шараларын жүзеге асырған, төтенше жағдайлар енгізілген жағдайларда білім беру саласындағы уәкілетті мемлекеттік органмен келісім бойынша іске асырылады.

2. Барлық пәндер бойынша лекциялық, практикалық және зертханалық сабақтар сабақ кестесіне сай ZOOM немесе оқытушылар таңдаған басқада платформаларда түрлі формада (бейне-конференциялар, бейне-лекциялар, дербес онлайн-жұмыс, онлайн-курстар, чат-сабақтар, веб-сабақтар және т.б.) жүргізіледі. Бірақ тапсырмалар бойынша кері байланыс «Univer 2.0» жүйесі арқылы жүзеге асырылады.

3. Пәндердің бейне-сабақтарын университет сайтындағы сілтемелер арқылы кафедралардың Youtube каналдарынан көруге болады.

5. Білім алушылар сабақ кестесіне сәйкес жүргізілетін онлайн сабақтарға қатысуы міндетті. Сабақтан босату себепті жағдайларда ғана рұқсат етіледі.

6. Пән оқытушысы білім алушылардың білімін ағымдық, межелік және аралық бақылауларды электронды ресурстар арқылы түрлі (тест, жазбаша, аралас, портфолио, эссе және т.б.) формада жүзеге асырады.

7. Білім алушылар онлайн сабақ барысында әдеп нормаларын сақтауға міндетті.

GPA ЖӘНЕ ОНЫ ЕСЕПТЕУ ӘДІСІ

GPA деген не?

GPA (grade point average) – білім алушы үлгерімінің орташа балы, бір оқу жылындағы оқу жетістіктерінің бағалау деңгейі. GPA нәтижесі келесі курсқа ауысу және мемлекеттік білім грантын сақтауға негіз болып табылады.

Келесі оқу жылына көшуге, сонымен қатар мемлекеттік білім грантын сақтауға қажетті үлгерімнің төменгі орташа балы (GPA)

-бакалавриатта:

1-ші курстан 2-ші курсқа – 1,8;

2-ші курстан 3-ші курсқа – 2,0;

3-ші курстан 4-ші курсқа – 2,0;

4-ші курстан 5-ші курсқа – 2,0.

GPA-ны қалай есептейді

Курс бойынша емтихан сессияларының қорытындылары бойынша жазғы семестрдің нәтижелерін қоса есептегенде Тіркеу офисі білім алушының орта балын (GPA) анықтайды. Бұл балл барлық кредиттер сомасы мен пән бойынша қорытынды бағасын (сандық көрсеткішпен) ағымдағы академиялық кезеңіндегі кредиттер сомасынан есептеледі. GPA білім алушының транскрипінде тіркеледі. GPA төмендегідей формула бойынша есептеледі:

$$GPA = \frac{ҚБ_1 * K_1 + ҚБ_2 * K_2 + \dots + ҚБ_n * K_n}{K_1 + K_2 + \dots + K_n}$$

ҚБ₁... сандық көрсеткіштегі пәндер бойынша қорытынды бағалар;

K₁..... оқытылған пәндер көлемі, кредит бойынша;

n – бүкіл оқу мерзімінде оқытылған пәндердің саны.

GPA есептеу үлгісі:

Пән	Кредит	Әріптік жүйе бойынша бағалар	Балдардың сандық эквиваленті
Қазақстан тарихы	5	A+	4,0
Философия	5	B	3,0
Математика	6	B	3,0

Қазақстан тарихы: $4.0 \times 5 = 20.0$

Философия $3.0 \times 5 = 15.0$

Математика $3.0 \times 6 = 18.0$

Кредиттер сомасы = $20 + 15 + 18 = 53$

Кредиттердің жалпы саны = $5 + 5 + 6 = 16$

GPA = кредиттер сомасы / кредиттердің жалпы саны = $53 / 16 = 3,31$


Оңтүстік Қазақстан мемлекеттік педагогикалық университетіндегі оқыту порталы – «Univer» ақпараттық жүйесі.

«Univer» – автоматтандырылған ақпараттық жүйесінде әр білім алушы жеке парақ (жеке web-парақшасы) жасалған, студенттердің керекті ақпаратты табуына, қашықтықтан оқитын студенттерге тез арада оқу және бақылау бағдарламаларына еніп, оқытушылармен интернет желісі арқылы немесе жоғары оқу орнының ішкі желісі арқылы қатынас жасауына көмек көрсетеді.

Бұл қажетті жүйе арқылы кез келген білім алушы өз парақшасына кіріп өз бағаларын, аралық бақылау мен емтихан қорытындыларын, яғни пән бойынша қорытынды бағаларын, академиялық қарыздарын білуге мүмкіндік алады.

Барлық білім алушыларға «Univer» ақпараттық жүйесіне кіру үшін өздерінің тиісті деканаттары жеке логин пароль береді.

Автоматтандырылған Univer ақпараттық жүйесі веб-сайт бағдарламасына кіру үшін интернет желісіне қосылған компьютерде кез келген браузерді (Google chrome, Mozilla Firefox, internet explorer және т.б.) ашып, адрестік жолға (адресная строка) университет корпусының ішкі желісінде 172.22.227.10 адресін, ал үйде немесе интернет клубтарда және т.б. оқу орнынан тыс жерлерде адрестік жолға (адресная строка) Univer.okmpu.kz адресін тереміз.



Ашылған веб-сайтта өзіңізге ыңғайлы тілді таңдап, логин парольді мұқият енгізіп, егер пароль қиын символдардан құралған болса, блокнот немесе word қосымшасына теріп алып, кейін көшіріп (ctrl+c), логин немесе пароль деген жерге қойып (ctrl+v) өзіміздің жеке веб-парақшамызға кіреміз. Егер пароль 3 реттен артық дұрыс енгізілмей қалса, онда веб-парақшаныз уақытша жабылып қалады. «Универ» жүйесіне кірген соң, құжаттар батырмасын басып, білім алушыларға арналған нұсқаулықты жүктеп, бұл жүйемен қалай жұмыс істеу болатындығымен танысуға болады.

ТІРКЕУ ОФИСІ

Тіркеу офісі (ТО) – білім алушылардың оқудағы жетістіктерінің барлық тарихын тіркеумен айналысатын және білімді бақылаудың барлық түрін ұйымдастыру жұмысын қамтамасыз ететін, олардың транскриптің, жеке істерін жүргізетін академиялық қызмет. Тіркеу офісі университеттің «Д» корпусының екінші қабатында орналасқан.



«ҮМІТ» БІЛІМ АЛУШЫЛАРҒА ҚЫЗМЕТ КӨРСЕТУ ОРТАЛЫҒЫ

Әр түрлі анықтамаларды беретін, білім алушылардың статистикасын жүргізетін, «бір терезе» ұстанымы бойынша жұмыс істейтін білім алушылардың оқу орнын ауыстыруға/оқу орнына қайта қабылдануға, оқудан шығаруға, академиялық демалысқа және тағы басқаға арналған өтініштерін қабылдайтын академиялық қызмет. «ҮМІТ» білім алушыларға қызмет көрсету орталығы университеттің «Д» корпусының бірінші қабатында орналасқан.



ФИЗИКА-МАТЕМАТИКА ФАКУЛЬТЕТІ

«Физика-математика» факультеті университеттің ең үлкен факультеттерінің бірі. 1938 жылы Шымкент мұғалімдер институтының негізгі екі факультетінің бірі болып ашылған.

«Физика-математика» факультетінің деканы педагогика ғылымдарының кандидаты Ибашова Альмира Байдабековна.

Факультет «Шаңырақ» оқу ғимаратының 3 қабатында орналасқан. Факультетте 6 бакалавриат, 3 магистратура, 3 докторантура білім беру бағдарламалары бойынша кадрлар даярлайды



Бакалавриат бойынша білім беру бағдарламаларының атаулары

6B01501-Математика мұғалімдерін даярлау;
 6B01502-Физика мұғалімдерін даярлау;
 6B01503-Информатика мұғалімдерін даярлау;
 6B01508-Математика-Физика мұғалімдерін даярлау;
 6B01509-Математика-Информатика мұғалімдерін даярлау;
 6B01510-Физика-Информатика мұғалімдерін даярлау;

Магистратура және докторантура бойынша білім беру бағдарламаларының атаулары

7M01501-Математика педагогін даярлау;
 7M01502-Физика педагогін даярлау;
 7M01503-Информатика педагогін даярлау;
 8D01501-Математика педагогін даярлау;
 8D01502-Физика педагогін даярлау;
 8D01503-Информатика педагогін даярлау

ЖАРАТЫЛЫСТАНУ ФАКУЛЬТЕТІ



Жаратылыстану факультеті «Шаңырақ» оқу ғимаратының 4 қабатында орналасқан. Жаратылыстану факультетінің деканы география ғылымдарының кандидаты Саулембаев Алтынбай Тагабайевич.

Жаратылыстану факультеті 7 бакалавриат, 3 магистратура, 2 докторантура білім беру бағдарламалары бойынша кадрлар даярлайды:

Бакалавриат бойынша білім беру бағдарламаларының атаулары

6B01504-Химия мұғалімін даярлау;
 6B01505-Биология мұғалімін даярлау;
 6B01405-Құқық және экономика мұғалімін даярлау;
 6B01506-География мұғалімін даярлау;
 6B01507-Химия-Биология мұғалімін даярлау;
 6B01511-География-Тарих мұғалімін даярлау;
 6B05101-Биология және сабақтас ғылымдар.

Магистратура және докторантура бойынша білім беру бағдарламаларының атаулары

7M01504-Химия педагогін даярлау;
 7M01505-Биология педагогін даярлау;
 7M01506-География педагогін даярлау;
 7M05101-Биология;
 8D01504-Химия педагогін даярлау;
 8D01505-Биология педагогін даярлау.

ТАРИХ ЖӘНЕ ПЕДАГОГИКА ФАКУЛЬТЕТІ



«Тарих және педагогика» факультеті университеттегі ең алғаш құрылған үлкен факультеттердің бірі. Факультет тарихы 1937 жылы ашылған екі факультеттің бірі ретінде университет тарихымен сабақтасып келеді.

«Тарих және педагогика» факультетінің деканы педагогика ғылымдарының кандидаты Таутаева Гульдарига Батыршаевна. Факультет университеттің «Қазына» ғимаратында орналасқан.

Факультетте 7 бакалавриат, 4 магистратура, 2 докторантура білім беру бағдарламалары бойынша кадрлар даярлайды.

Бакалавриат бойынша білім беру бағдарламаларының атаулары

6B01101-Педагогика және психология;
6B01201-Мектепке дейінгі тәрбиелеу және оқыту педагогикасы;
6B01301-Бастауышта оқыту педагогикасы мен әдістемесі мұғалімін даярлау;
6B01601-Тарих мұғалімін даярлау;
6B01602-Тарих-Дінтану мұғалімін даярлау;
6B01801-Әлеуметтік педагогика және өзін-өзі тану маманын даярлау;
6B01901-Арнайы педагогика маманын даярлау;

Магистратура және докторантура бойынша білім беру бағдарламаларының атаулары

7M01201-Мектепке дейінгі тәрбиелеу және оқыту педагогикасы;
7M01301-Бастауышта оқыту педагогикасы мен әдістемесі педагогін даярлау;
7M01601-Тарих педагогін даярлау;
7M01901-Арнайы педагогика;
8D01301-Бастауышта оқыту педагогикасы мен әдістемесі педагогін даярлау;
8D01601-Тарих педагогін даярлау.

ФИЛОЛОГИЯ ФАКУЛЬТЕТІ



«Филология» факультеті 1937 жылы Шымкент мұғалімдер институтының негізін қалаған алғашқы факультетінің бірі болып құрылған.

«Филология» факультетінің деканы филология ғылымдарының кандидаты Оразбаева Эльмира Бейсенбайқызы.

Факультет университетіміздің «Тұмар» оқу ғимаратында орналасқан. Факультетте 8 бакалавриат, 3 магистратура, 3 докторантура білім беру бағдарламалары бойынша кадрлар даярлайды.

Бакалавриат бойынша білім беру бағдарламаларының атаулары

Магистратура және докторантура бойынша білім беру бағдарламаларының атаулары

6B01701 - Қазақ тілі мен әдебиеті мұғалімін даярлау;

6B01702 - Орыс тілі мен әдебиеті мұғалімін даярлау;

6B01703 - Ағылшын және неміс тілдерінің мұғалімін даярлау;

6B01704 - Қазақ тілін оқытпайтын мектептердегі қазақ тілі мен әдебиеті мұғалімін даярлау;

6B01705 - Орыс тілінде оқытпайтын мектептердегі орыс тілі мен әдебиеті мұғалімін даярлау;

6B02302 - Филология;

6B02301 - Аударма ісі;

6B01706 - Өзбек тілі мен әдебиеті мұғалімдерін даярлау.

7M01701 - Қазақ тілі мен әдебиеті педагогін даярлау;

7M01702 - Орыс тілі мен әдебиеті педагогін даярлау;

7M01703 - Шетел тілі: екі шетел тілі педагогін даярлау;

8D01701 - Қазақ тілі мен әдебиеті педагогін даярлау;

8D01702 - Орыс тілі мен әдебиеті педагогін даярлау;

8D01703-Шетел тілі: екі шетел тілі педагогін даярлау.

ДЕНЕ ШЫНЫҚТЫРУ ЖӘНЕ СПОРТ ФАКУЛЬТЕТІ



Шымкент педагогикалық институтында «Дене тәрбиесі» мамандығы 1966-1967 оқу жылында ашылды. Алғаш рет 25 студент қабылданды.

1970-1971 оқу жылында «Дене шынықтыру» мамандығы өз алдына «Дене тәрбиесі» факультеті болып құрылды.

«Дене шынықтыру және спорт» факультетінің деканы – педагогика ғылымдарының кандидаты, доцент Турысқұлов Умирали Жусипович.

Факультет Спорт кешені ғимаратының 2-қабатында орналасқан. Факультет құрамында «Дене тәрбиесі мен бастапқы әскери дайындық», «Дене шынықтыру» кафедралары жұмыс атқарады.

Факультетте 2 бакалавриат, 2 магистратура білім беру бағдарламалары бойынша кадрлар даярлайды

Бакалавриат бойынша білім беру бағдарламаларының атаулары

6B01401-Бастапқы әскери дайындық мұғалімдерін даярлау;
6B01402-Дене шынықтыру мұғалімдерін даярлау;

Магистратура және докторантура бойынша білім беру бағдарламаларының атаулары

7M01401- Бастапқы әскери дайындық педагогін даярлау;
7M01402- Дене шынықтыру педагогін даярлау;

ӨНЕР ЖӘНЕ БІЛІМ ФАКУЛЬТЕТІ



«Өнер және білім» факультетінің тарихы 1994 жылдан бастау алады. Бұл факультетінің деканы педагогика ғылымдарының кандидаты, доцент м.а. Байбатшаева Айдайқыз Еркінбекқызы

Факультет «Тұмар» оқу ғимаратының 1 қабатында орналасқан. Факультетте 4 бакалавриат, 3 магистратура, 2 докторантура білім беру бағдарламалары бойынша кадрлар даярлайды.

Бакалавриат бойынша білім беру бағдарламаларының атаулары

6B01404 - Көркем еңбек және сызу мұғалімін даярлау;
6B01406 - Кәсіптік оқыту мұғалімін даярлау;
6B02101 - Дизайн;
6B01403- "Музыка мұғалімін даярлау

Магистратура және докторантура бойынша білім беру бағдарламаларының атаулары

7M01406 – Кәсіптік оқыту педагогін даярлау;
7M01404 Көркем еңбек және сызу педагогін даярлау;
7M01403-Музыкалық білім педагогтерін даярлау;
8D01406 - Кәсіптік оқыту педагогін даярлау;
8D01407 – Бейнелеу өнері және сызу педагогін даярлау.

КІТАПХАНА ЖӘНЕ ЭЛЕКТРОНДЫҚ КАТАЛОГТАР



Кітапхана құрылымы: алты оқу залы (бас оқу залы; ғылыми оқу залы; электронды оқу залы; «100 жаңа оқулық» оқу залы; жатақханадағы оқу залы; салалық оқу залы) және бір абонемент.

Оқытушылар мен студенттерге «КАБИС» электрондық каталогына, деректер қорына және Интернет/Интернет ресурстарына қол жеткізу мүмкіндігі бар, Wi-Fi қызмет көрсету аймағы бар Интернет ресурстарына тегін және шектеусіз қол жеткізу жүзеге асырылады.

Студент электрондық кітапхана мүмкіндіктерін тек оқу процесі мен ғылыми зерттеулер үшін қажетті ақпаратты іздеу және өз бетінше жұмыс істеу үшін пайдалануына болады.

ОҚМПУ Интернет желісіндегі «Web.КАБИС» электрондық каталогы: <http://172.22.227.9/KABIS/>

Интернет желісіндегі «Web.КАБИС» электрондық каталогы: <http://ais.okmpu.kz/kabis>
«Акнурпресс» цифрлық кітапханасы <http://aknurpress.kz> Мультимедиалық оқулықтар (смарт кітаптар) кітапханасы: <https://web.smart-kitap.kz>

ҚОҒАМДЫҚ КӘСІПТЕР ОРТАЛЫҒЫ: ҮЙІРМЕЛЕР



Қоғамдық кәсіптер даярлау орталығында 8 түрлі үйірме жұмысын жүргізеді. Олар: Эстрада, Айтыс, Дефиле, Домбыра, Бейнелеу өнері, Қолөнер, Аспаптар жасау, Би үйірмелері және университет ішінен құрылған «ОҚМПУ құрамасы» Жайдарман тобы.

Орталық университетішілік іс-шаралардан басқа қалалық, облыстық, республикалық деңгейдегі байқауларға қатысып, өнерпаз студенттердің шығармашылығын шыңдауда елеулі істер атқаруда.



ҚОҒАМДЫҚ КӘСІПТЕР ОРТАЛЫҒЫ ҮЙІРМЕЛЕР

- АЙТЫС ҮЙІРМЕСІ
- ДОМБЫРА ҮЙІРМЕСІ
- ЭСТРАДА ҮЙІРМЕСІ
- БИ ҮЙІРМЕСІ
- АСПАПТАР ЖАСАУ ҮЙІРМЕСІ
- ГОБЕЛЕН ҮЙІРМЕСІ
- БЕЙНЕЛЕУ ӨНЕРІ ҮЙІРМЕСІ
- ДЕФИЛЕ ҮЙІРМЕСІ
- «ОҚМПУ ҚҰРАМАСЫ» ЖАЙДАРМАН ТОБЫ

Шымкент - 2020

ӘСКЕРИ КАФЕДРА



Оңтүстік Қазақстан мемлекеттік педагогикалық университеті әскери кафедрасында запастағы офицерлер мен запастағы сержанттарды даярлау мына мамандықтар бойынша жүзеге асырылады

1. Запастағы офицерлер бағдарламасы бойынша:

- 1) Жалпы әскери бөлімшелерді, бөлімдер мен құрамаларды жауынгерлік қолдану;
- 2) Аумақтық қорғанысты жоспарлау және ұйымдастыру;
- 3) Әскери барлау бөлімшелері мен бөлімдерін жауынгерлік қолдану;
- 4) Көпмақсатты қолданымдағы автомобильдік техниканы жөндеу мен пайдалану;
- 5) Құрлық әскерлерінде тәрбие және идеологиялық жұмыстарды ұйымдастыру;
- 6) Идеологиялық жұмыстарды ұйымдастыру;
- 7) Тәрбие жұмыстарын ұйымдастыру;
- 8) Киім-кешекпен қамтамасыз етуді ұйымдастыру;
- 9) Өртке қарсы күзетті ұйымдастыру.

2. Запастағы сержанттар бағдарламасы бойынша:

- 1) Атқыштық;
- 2) Граната атқыш (танкіге қарсы қол граната атқыштар);
- 3) Пулеметтік;
- 4) Автомобильдер;
- 5) Әскери барлау;
- 6) Өртке қарсы қорғау және құтқару жұмыстары;
- 7) Өртке қарсы қызмет.



СПОРТ КЛУБ

Футбол
Баскетбол
Волейбол
Каратэ
Шахмат
Тоғызқұмалақ








Шымкент - 2020

ДЕНСАУЛЫҚ



Университетте 3 оқу ғимаратында және №1 студенттер үйінде ем-шара кабинеттерімен қамтылған медициналық пункттер орналасқан, студенттерге 4 мейірбике қызмет көрсетеді. Ақпан-наурыз айында студенттер міндетті медициналық тексеруден өткізіледі.

Оңтүстік Қазақстан мемлекеттік педагогикалық университетінің студенттеріне қалалық №8 емханада медициналық қызмет көрсетіледі.

ТАМАҚТАНУ



Оңтүстік Қазақстан мемлекеттік педагогикалық университетінде студенттерге тамақтану мекемелерінің желісі қызмет көрсетеді. Барлық оқу ғимараттары мен жатақханаларының ішінде асханалар және буфет орналасқан. Ас мәзірі әртүрлі тағамдардан, соның ішінде диеталық тағамнан құралған, оларды қолжетімді бағамен сатып алуға болады.

1. **“ШАҢЫРАҚ”** Бас оқу ғимаратының 1-қабатында 40 орындық асхана орналасқан. Мекенжайы: А.Байтұрсынов көшесі, № 13.

2. **“ҚАЗЫНА”** Б оқу ғимаратының 1-қабатында 60 орындық асхана бар. Мекенжайы: А.Байтұрсынов көшесі, № 13.

3. **“ТҰМАР”** С оқу ғимаратына жалғанған қосымша ғимаратта 40 орындық асхана орналасқан. Мекенжайы: А.Байтұрсынов көшесі, № 63.

4. №1 Студенттер үйінің 1-қабатында буфет бар. Мекенжайы: А.Байтұрсынов көшесі, № 13.

5. №2 Студенттер үйінің 1-қабатында 40 орындық асхана орналасқан. Мекенжайы: Қ.Рысқұлбеков көшесі, № 8

6. №4 Студенттер үйінің 1-қабатында 100 орындық асхана бар. Мекенжайы: Отырар мөлтекауданы, № 140

7. №5 Студенттер үйінің 1-қабатында 50 орындық асхана орналасқан. Мекенжайы: Нұрсат мөлтекауданы, №131Б



СТУДЕНТТІК ӨМІР



Студенттік өмір – жеке тұлғаның шығармашылық дамуы мен пайдалы дағдыларды меңгеретін алтын уақыты. Ал студенттік ұйымдар – бұның барлығын қол жеткізудің керемет мүмкіндігі.

Университеттің Жастар саясаты бөлімі белсенді, дарынды студенттерді танытып, студент жастар үшін түрлі жобалар жасап, пікірсайыс турнирлерін, түрлі акциялар, флешмобтар өткізеді, студенттердің өзін-өзі басқару жетекшілері арасында семинар-тренингтер, конкурстар ұйымдастырады.

Студенттің жан-жақты дамуы мен шығармашылық әлеуетін қалыптастыруда университеттің жастар ұйымдарының мәні зор. Бүгінгі таңда Жастар саясаты бөлімінде мынадай студенттік ұйымдар, бірлестіктер жұмыс істейді:



МАҢЫЗДЫ БАЙЛАНЫС ЖЕЛІЛЕРІ

CALL CENTER
(АНЫҚТАМА АЛУ ҮШІН)

8(7252) 40-07-05

ФИЗИКА-МАТЕМАТИКА ФАКУЛЬТЕТІНІҢ ДЕКАНЫ

Ибашова Альмира Байдабековна
+7 778 484-64-23

ФИЛОЛОГИЯ ФАКУЛЬТЕТІНІҢ ДЕКАНЫ

Оразбаева Эльмира Бейсенбайқызы
+7 771 406-45-67

ДЕНЕ ШЫНЫҚТЫРУ ЖӘНЕ СПОРТ ФАКУЛЬТЕТІНІҢ ДЕКАНЫ

Турьскулов Умиралы Жусипович
+7 702 567-50-30

ТАРИХ ЖӘНЕ ПЕДАГОГИКА ФАКУЛЬТЕТІНІҢ ДЕКАНЫ

Таутаева Гульдарига Батыршаевна
+7 775 722-44-38

ЖАРАТЫЛЫСТАНУ ФАКУЛЬТЕТІНІҢ ДЕКАНЫ

Саулембаев Алтынбай Тағабайұлы
+7 705 359-35-94

ӨНЕР ЖӘНЕ БІЛІМ ФАКУЛЬТЕТІНІҢ ДЕКАНЫ

Байбатшаева Айдайқыз Еркінбекқызы
+7 701 403-48-09

